



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՏԱՐԱԾՔԱՅԻՆ ԿԱՌԱՎԱՐՄԱՆ ԵՎ ԵՆԹԱԿԱՌՈՒՑՎԱԾՔՆԵՐԻ ՆԱԽԱՐԱՐ**

Երևան-0010, Հանրապետության հր. Կառավարական տուն 3

«30» հունիսի 2024թ.

N...09-Ն

ՀՐԱՄԱՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՐԱԾՔԱՅԻՆ ԿԱՌԱՎԱՐՄԱՆ ԵՎ
ԵՆԹԱԿԱՌՈՒՑՎԱԾՔՆԵՐԻ ՆԱԽԱՐԱՐԻ 2022 ԹՎԱԿԱՆԻ ՆՈՅԵՄԲԵՐԻ 18-Ի
N 20-Ն ՀՐԱՄԱՆՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՅՈՒՄՆԵՐ ԿԱՏԱՐԵԼՈՒ
ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ և 34-րդ հոդվածներով՝

ՀՐԱՄԱՅՈՒՄ ԵՄ

1. Հայաստանի Հանրապետության տարածքային կառավարման և ենթակառուցվածքների նախարարի 2022 թվականի նոյեմբերի 18-ի «Հայաստանի Հանրապետությունում օդանավերի պետական գրանցման, օդանավերի ռեգիստրի վարման ու թռիչքային պիտանիության սերտիֆիկատների տրման և օտարերկրյա թռիչքային պիտանիության սերտիֆիկատների ճանաչման կարգը հաստատելու մասին» N 20-Ն հրամանի 1-ին կետով հաստատված հավելվածում կատարել հետևյալ փոփոխությունները և լրացումները.

1) 8-րդ կետը շարադրել հետևյալ խմբագրությամբ.

«8. Գրանցման հայտի քննարկումը, քաղաքացիական և պետական օդանավերի գրանցման սերտիֆիկատի կամ թռիչքային պիտանիության սերտիֆիկատի տրամադրումը կատարվում է հայտը Կոմիտեում մուտքագրվելուց հետո՝ 30 աշխատանքային օրվա ընթացքում, իսկ դրանց հետ կապված քաղվածքների, տեղեկանքների տրամադրումը կատարվում է հայտը Կոմիտեում մուտքագրվելուց հետո՝ 15 աշխատանքային օրվա ընթացքում: Նշված ժամկետը կարող է երկարաձգվել օդանավի ֆիզիկական վիճակն ուսումնասիրելու նպատակով ստուգման անհրաժեշտության դեպքում: Սույն կարգով նախատեսված՝ ներկայացված փաստաթղթերի անհամապատասխանության կամ փաստաթղթերի ոչ լրիվ ներկայացման դեպքում Կոմիտեն դիմողին գրավոր՝ հայտը Կոմիտեում մուտքագրվելուց հետո 7 աշխատանքային օրվա ընթացքում, տեղեկացնում է

թերությունների մասին: Հետագա քննարկումը կատարվում է դիտողությունները վերացնելուց և Կոմիտե այդ մասին գրավոր հայտնելուց ու համապատասխան փաստաթղթերը ներկայացնելուց հետո՝ 15 աշխատանքային օրվա ընթացքում:».

2) 9-րդ կետի 2-րդ ենթակետից հանել «տրված կամ» բառերը.

3) 9-րդ կետի 2-րդ ենթակետի «գ» պարբերությունն ուժը կորցրած ճանաչել.

4) լրացնել հետևյալ բովանդակությամբ 9.1-ին կետով.

«9.1. Սույն կարգի 15-րդ կետի 1-ին ենթակետի «ա» պարբերությամբ սահմանված ուղևորատար (passenger) նշանակությամբ օդանավի գրանցման դեպքում գրանցման հայտը տալու պահին օդանավի պլաների (airframe) տարիքը չպետք է գերազանցի 20 օրացույցային տարին:».

5) 16-րդ կետից հանել «Միացյալ Ավիացիոն Իշխանությունների (JAA) ՋԱՌ-23 (JAR-23), ՋԱՌ-25 (JAR-25), ՋԱՌ-27 (JAR-27), ՋԱՌ-29 (JAR-29),» բառերը.

6) 20-րդ կետից հանել «Միացյալ Ավիացիոն Իշխանությունների (JAA) ՋԱՌ-26 (JAR-26), ՋԱՌ-SUO (JAR-TSO), ՋԱՌ-34 (JAR-34), ՋԱՌ-36 (JAR-36), ՋԱՌ-Ե (JAR-E), ՋԱՌ-Պ (JAR-P), ՋԱՌ-ԱՊՈՒ (JAR-APU)» բառերը.

7) 21-րդ կետը «ՏՍԻԱ Ֆորմ 24-0078 (TCA Form 24-0078)» բառերից հետո լրացնել «, Միացյալ Թագավորությունների ավիացիոն իշխանությունների Ֆորմ 1 (CAA/UK Form 1)» բառերով.

8) Ձև 2-ը շարադրել նոր խմբագրությամբ՝ համաձայն N 1 հավելվածի.

9) Ձև 11-ը շարադրել նոր խմբագրությամբ՝ համաձայն N 2 հավելվածի:

2. Սույն հրամանն ուժի մեջ է մտնում պաշտոնական հրապարակման օրվան հաջորդող տասներորդ օրը, բացառությամբ սույն հրամանի 1-ին կետի 1-ին ենթակետի, որն ուժի մեջ է մտնում պաշտոնական հրապարակումից վեց ամիս հետո:

1/30/2024

X 

ԳՆԵԼ ՍԱՆՈՍՅԱՆ

ՆԱԽԱՐԱՐ

Signed by: SANOSYAN GNEL 1710830069

Գ. ՍԱՆՈՍՅԱՆ

ք. Երևան

Հավելված N 1
 ՀՀ տարածքային կառավարման և
 ենթակառուցվածքների նախարարի
 2024 թվականի հունվարի 30-ի
 N 01 -Ն հրամանի
 «Ձև 2»:

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
 REPUBLIC OF ARMENIA

ՔԱՂԱՔԱՑԻԱԿԱՆ ԱՎԻԱՑԻԱՅԻ ԿՈՄԻՏԵ
 CIVIL AVIATION COMMITTEE

ՔԱՂԱՔԱՑԻԱԿԱՆ ՕՂԱՆԱՎԻ ԳՐԱՆՑՄԱՆ ՍԵՐՏԵՖԻԿԱՏ
 CERTIFICATE OF REGISTRATION OF CIVIL AIRCRAFT

1

1. Ազգային և գրանցման նիշերը Nationality and registration marks	2. Օդանավ արտադրողը, արտադրողի կոդից Օդանավի նշագրումը Manufacturer, manufacturer's designation of aircraft	3. Օդանավի սերիայի համարը Aircraft serial number
4. Օդանավի սեփականատերը Name of owner		
5. Սեփականատիրոջ հասցեն Address of owner		
6. Սույնով հավաստվում է, որ տվյալ օդանավը սահմանված կարգով գրանցված է Հայաստանի Հանրապետության օդանավերի Ռեգիստրում՝ 1944 թվականի դեկտեմբերի 7-ի «Միջազգային քաղաքացիական ավիացիայի մասին» Կոնվենցիային և «Ավիացիայի մասին» Հայաստանի Հանրապետության օրենքին համապատասխան: It is hereby certified that the above described aircraft has been duly entered on the Register of the Civil Aircrafts of the Republic of Armenia in accordance with the Convention on International Civil Aviation dated 7 December 1944 and with the Aviation Law of the Republic of Armenia.		
Թռիչքային պիտանիության վարչության պետ Head of Airworthiness Department (Ստորագրություն, Ազգանուն) (Signature, Name)		
Կ.Տ. Seal	Տրված է՝ Date of Issue:	
1. Սույն սերտեֆիկատը տրված է միայն գրանցման նպատակով և չի հանդիսանում օդանավի սեփականության իրավունքը հավաստող փաստաթուղթ: This Certificate is issued for registration purpose only and is not to certify the right for aircraft ownership. 2. Սույն սերտեֆիկատը ուժի մեջ է մինչև՝ This Certificate expiration date is:		

Հավելված N 2

ՀՀ տարածքային կառավարման և
ենթակառուցվածքների նախարարի
2024 թվականի հունվարի 30-ի
N 09-Ն հրամանի

«Ձև 11



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
REPUBLIC OF ARMENIA

ՔԱՂԱՔԱՑԻԱԿԱՆ ԱՎԻԱՑԻԱՅԻ ԿՈՄԻՏԵ
CIVIL AVIATION COMMITTEE

ՊԵՏԱԿԱՆ ՕՂԱՆԱՎԻ ԹՈՒՉՔԱՅԻՆ ՊԻՏԱՆՈՒԹՅԱՆ ՍԵՐՏԻՖԻԿԱՏ
CERTIFICATE OF AIRWORTHINESS OF STATE AIRCRAFT
N XXXX

1. Ազգային և գրանցման նիշերը Nationality and registration marks	2. Օդանավ արտադրողը, արտադրողի կողմից օդանավի նշագրումը Manufacturer, manufacturer's designation of aircraft	3. Օդանավի սերիայի համարը Aircraft serial number
4. Օդանավի նշանակությունը Categories		
5. Օդանավի սեփականատերը Name of owner		
6. Լրացուցիչ տեղեկություն Additional information		
7. Սույն օդանավի թռիչքային պիտանիության սերտիֆիկատը տրված է Հայաստանի Հանրապետության տարածքային կառավարման և ենթակառուցվածքների նախարարի 20__ թվականի ____-ի թիվ ____-Ն հրամանին համապատասխան և վերաբերում է նշված օդանավին, որը համարվում է թռիչքներին պիտանի այն պայմանով, որ տեխնիկական		

սպասարկումը և շահագործումը համապատասխանում է վերը նշված նորմերի պահանջներին և շահագործման սահմանափակումներին:

This Certificate of Airworthiness is issued pursuant to the order number ____-N dated _____ of the Minister of Territorial Administration and Infrastructure of the Republic of Armenia in respect of the abovementioned aircraft which is considered to be airworthy when maintained and operated in accordance with the foregoing and the pertinent requirements and operating limitations.

Թոփչբային պիտանիության վարչության պետ

Head of Airworthiness Department

Կ.Տ.	Տրված է
	Date of Issue _____ "20__թ.
Seal	Ուժի մեջ է մինչև
	Validity _____ "20__թ.

»: